

HEADLINES (EVENING)

1. Bairabi atanga Sairang pawh Rel kawng phah hna zawhfel anih hnuah vawiin atangin Commissioner of Railway Safety in a endik dawn.
2. Prime Minister Narendra Modi kaihhruai sorkar kum 11 chhunga hmalakna hrang hrang thlirhona leh zirhona chu ramchhung hmun dang rualin vawiin khan Lungleiah BJP Mizoram buatsaiha neih a ni.
3. Prime Minister Narendra Modia chuan vawiin khan khawvela relkawng lei sang ber Jammu and Kashmir-a Chenab bridge a hawng.
4. BJP MP Ravi Shankar Prasad-a kaihhruai All-Party Delegates te chuan vawiin khan Germany-a Berlin khawpui an thleng

<><><>

RAILWAY

Bairabi atanga Sairang pawh Rel kawng phah hna zawhfel anih hnuah vawiin atangin Commissioner of Railway Safety in a endik dawn a, ni 11 thleng endik anih hnuah a him chuan rel tlan tan tir a ni dawn.

Akashvani corr zawhna chhangin Northeast Frontier Railway Chief Public Relation Officer Kishore Sharma chuan vawiin atangin rel kawng endik tur Commissioner of Railway Safety chuan Sairang atangin a endik tan dawn a, hemi hnu hian a tah tawlin station hrang hrang a endik anga, a hmuh dan report a zirin rel tlan tan tir theih ani tawh dawn a ti a ni.

Kishore Sharma chuan rel kawng leh station chu peihfel a ni tawh a ti a, Rel pawh vawi thum tlan chhin tir a ni tih sawiin he railway line hlawhtling taka an zo thei chu Mizoram tân hlawhtlinna rahbi pawimawh tak a nih thu leh tun atanga reilote ah a nihna tur ang taka hman theih an beisei thu a sawi bawk.

Mizoram chanchina hriatreng tawh tur leh pawimawh em em, Aizawl dai, Sairang thleng tura Rel kawng siam hi Sorkar laipui hmalakna pawimawh, Act East Policy tihhlawhtlinna pakhat a ni a, inkalpawhna tha leh tlawm bakah sum leh pai dinhmun tihhmasawn nana hmarchhak state te thlunzawm chu sorkar laipui tum ber a ni a, he rel kawngah hian Station pali: Hortoki, Kawnpui, Mualkhang, leh Sairang-Sihhmui Station awm tura ruahman niin, leiverh 32, lei lian 55 leh lei te deuh 89 a awm dawn a ni.

<><><>

WORLD BLOOD DONOR DAY

A mamawhte hnena a thlawna thisen pek chu Mizoramah uar chhoh zel a ni a, nikum 2024-25 chhung khan Mizoram pumah thisen unit 34,752 pek a ni a, chu'ng zinga unit 32,566 chu pek bik nei loa a thlawna pek, voluntary donation a ni.

A thlawna thisen pek zawng zawng atangin zaah 93.71 a tling a. Association for Voluntary Blood Donation chuan a thlawna thisen pek hi a huaihawt thin a, MSACS nen tangkawpin hma a la a, kum 2024-25 chhung khan Mizoramah blood doantion camp tum 611 huaihawt a ni a, chutah chuan thisen unit 22,602 pek a ni. AVBD Vice President Pu K Zothanpara chuan thisek pek hi uar sauh sauh turin mipuite a sawm a ni.

World Blood Donor Day hi kum 2004 atang khan June ni 14-ah khawvel pumah hman a ni thin a, World Health Organization-in hriselna lama ni pawimawh bik 11 a puan zinga mi niin, kum 1868-a blood group hmu chhuahtu Karl Landsteiner-a pian champha, June ni 14-ah hman thin a ni. World Blood Donor Day hi Mizoramah chuan kum 2007 khan hman tan a ni a, thisen pe thate chawimawina hun atan hman a ni \hin. Mizorama WBDD hman tan a nih atangin Association for Voluntary Blood Donation

(AVBD) chuan kum tin pawl hminga thisen pe \hate hnenah chawimawina an hlan thin a, eng emaw chângin mimala thisen pe tamte hnenah chawimawina an hlan thin bawk.

Kumin 2025-ah pawh hian AVBD leh MSACS huaihawtin WBDD hman leh a ni dawn a, kuminah hian Inrinni, holiday-ah a tlak avangin a hma ni, June ni 13-ah hman a ni dawn a, thisen pe tha pawlte hnenah chawimawina hlan leh a ni ang.

<><><>

BAL VIVA MukT BHARAT

Ram pum huapa kum tling lo inneihna tibo tura beihpui thlakna-Campaign "Bal Vivah MukT Bharat" (Child Marriage Free India) chu Mizoram hmun hrang hrangah kalpui mek a ni.

Women and Child Development Department in he hmalakna hi kalpuiin hmeichhia kum 18 an tlin hma leh mipa kum 21 an tlin hma a inneihtir an nihloh nan theihtawp chhuahin mipuite hrilh hre turin district tinah hma a la mek a, Mizoram ah chuan tihluihna ni lovin nau an pai avang te, an in ruk avang te leh inngaihzawna in a hrinchhuah thildang hrang hrang te avangin nu leh pa/chhungten an inneih tir mai thin niin Department hotute chuan an sawi a, Naupang inneih tir chu The Prohibition of Child Marriage Act, 2006 hmangin kum 2 chhung hrehawm taka lungin tantir leh cheng nuaikhat thleng chawi a hremtheih anni a, mipa puitlingin hmeichhia kum 18 hnuailam a neih hrem theih ani tih an sawi bawk.

Women and Child Development, Director Pi Zoramthangi Chhangte chuan Akashvani corr nen an inkawmna ah Naupangin a hun hma a nupui/pasal an neih hian an zirna, hriselna, eizawna, leh ngaihtuahna te nasa takin a nghawng thin a ti a, an theihna leh an thlen chin ti thuanawpin hmakhaw eng tak nei turte nun tam tak a tichhia a, hemi venpui tu tur chu nu leh pa, chhung te leh khawtlang mipui te chu an nih thu a sawi.

Director chuan dan zawm lo te chu Child Helpline Tollfree Number 1098 ah emaw, Women Helpline Tollfree Number 181 ah emaw thuneitute hrang hrang te hnenah a thlen theih reng a ni a ti bawk.

<><><>

11 YEARS OF MODI GOVT

Prime Minister Narendra Modi kaihhruai sorkar kum 11 chhunga hmalakna hrang hrang thlirhona leh zirhona chu ramchhung hmun dang rualin vawiin khan Lungleiah BJP Mizoram buatsaiha neih a ni a.

State President Pu Vanlalhmuaka chuan thusawiin, BJP sorkar chuan Mizoramah in neilo tan In sing 5 chuang a sak sak a, gas connection neilo sing 6 pek a ni a, hmeichhia ten tui an chawi phal tawh lovin thingtlangah tui connection pek zel a ni a ti a. Lengpui airport chu ZPM in IAF hnenah cheng vbc 50 lekin hralh an tum a, mahse BJP party leh Zoram mipuiin an duh lo a, Prime Minister leh Home minister hnen a an thlen angin AAI in an la dawn ta a ni a ti.

BJP kum 11 an sorkar chhungin chhinchhiaah tur thil tha tam tak a thleng a, Aizawl khawpui atanga Sipai sawn chhuah tumahin an thei lo, mipui duhdan sawiin Zokhawsanga sawn turin Home Minister Amit Shah an ngen a, sawn chhuah a ni a tu a, BJP chuan an ti ang an tih chu an ti thin a, chu chu an danglamna a ni, a ti.

Vawiin tlai khan State BJP President Pu Vanlalhmuaka leh Dr.K.Beichhua MLA te chuan BJP Office ah thuthar lakhawm tu te an kawm zui a, Central BJP kaihhruai sorkar ruahmanna chu Mizoram sorkar in a ti diklo a nih chuan an hnenah a thlen theih a ni an ti a, chanvo changlo an awm em tih hi an vil reng dawn a ni an ti.

Pu Vanlalhmuaka chuan ATL Road siam nan hma an la dawn a ti a, darkar 3 a Lunglei thlen tir an tum a, Lengte to Buarpui-Zochachhuah an buaipui mek a, BJP lo chuan hei hi an ti thei lovang a ti.

Dr K.Beichhua MLA pawhin thu sawiin, engkim mai Aizawl tih vek a hun tawhlo a, a hmunhma in a zo tawh lova, Dist capital dangah te hma la in inkalpawhna tha a awm chuan khawihmunah pawh zirna in ani emaw damdawiin lian din chu BJP

duhdan a ni a ti. ZPM kaihhruai Mizoram Sorkar chuan BJP nen an thawk ho tha tiin a sawi thin a, mahse BJP chuan an MLA chanvo an chantir loh avangin thawkho thaah kan in ngai lo a ti a. Dr.K.Beichhua chuan an thawhho thatna an hrethiam lo a, thawhho pui tha se chuan project haichhuah kawngah pawh an tangkai hle ang a ti.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni. Naktuk zing dar 7 leh a chanve-ah Chanchinthar puan leh a ni ang.

<><><>

PM @ J&K

Prime Minister Narendra Modia chuan vawiin khan khawvela relkawng lei sang ber Jammu and Kashmir-a Chenab bridge a hawng. Thusawiin PM Modia chuan Kashmir leh Kanyakumari te chu rel kawnga kalpawh theih vek a ni tawh a ti a.Pu Modia chuan hmasawwna project hrang hrang an hawn chuan Jammu & Kashmir hmasawwna a nawrkal nasa dawn tih sawiin India inpumkhatna leh a tum ram pholanna pawimawh tak a ni a ti a. Jammu and Kashmir chu India tana rohlu pawimawh tak anih thu sawiin vawiina hawn tak Chenab leh Anji bridge te chu J&K tana hausakna kawng pawimawh tak a ni dawn a ni a ti.

<><><>

DELEGATES

BJP MP Ravi Shankar Prasad-a kaihhruai All-Party Delegates te chuan vawiin khan Germany-a Berlin khawpui an thleng a. Germany-a Indian Ambassador Ajit Gupte chuan a lo dawngsawng a. India-Germany inlaichinna chungchangte, Strategic Partnership tihlen leh sumdawwna lama thawhdunnate, defence, Science and Tech leh Mobility chungchangte an sawiho a ni.

Hetihlai hian Congess MP Shashi Tharoor-a kaihhruai MP rualte chuan vawiin khan US President JD Vance an hmu a. Hemi hnu hian chanchinbumite kawmin Shashi Tharoor-a chuan ram an tlawhna hrang hrangah firfiakte chungchanga India thuchah an sawi zel tih sawiin Operation Sindoor beihpui thlak a tulzia te an tlangaupui tih a sawi a ni.

<><><>

NDA 11 YEARS

Prime Minister Narendra Modia kaihhruai NDA sawrkar chuan kum 11 hmel a lo hmu ta a. Hemi chhung hian India chuan kawng tam takah hmasawwna a nei a ni.

SFX

Tun tumah chuan hnam rohlu humhalh leh tihhmasawn Cultural Heritage Preservation chungchangah sawrkarin hma a laknate tarlang ila. Kum 11 chhung khan ramchhunga hnam ziarang leh nunphung te nasa taka chawilar niin khawvel hmuhah pholan a ni a. Temple hmingthang Hampi temple atanga classical music leh lamah te sawrkarin theihtawpin a thehlar a. Ram inpumkhatna lantirtu Ayodhya-a Ram Mandir te, Kashi Vishwanath Temple tlawhtu sakhaw biakzinte tan Varanasi-a Kashi Vishwanath Dham Corrifor Project te chu sawrkar hmalakna langsar an ni a. Himalaya tlangah Kedarnath leh Badrinath Dham te tihchangtlun a ni bawk.

<><><>